

Inatsisartut Suleriaasianni § 32, imm. 3, nr. 1 malillugu Nunat Avannarliit Killiit Siunnersuisoqatigiiffiannut Inatsisartut aallartitaasa siulittaasuata Josef Motzfeldtip aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata aalajangersagaanik nr. 6/2010-mik, ataani allassimasutut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Kalaallit Nunaanni Naalakkersuisut kaammattorpai Kalaallit Nunaata Kangiata (Tunup) allatut pilersorneqarsinnaaneranut periarfissanik misissuisitseqqullugit, pilersuisussaataa nermut isumaqatigiissutip atuuttup tamatumunnga aporfissaqartitsinnaaneramik naliliinertalerlugu.

Tunngavilersuut:

Umiarsuaatileqatigiiffiup Royal Arctic Line A/S-ip angallassinissamut pilersaarutaa ukioq ataasikkaarlugu akuerineqartarpoq. Ullutsinni piffissap sikuusarnerata allanngorneramik ilisarnaatilimmik taamatut pilersaarusiortarnek qeratasorujussuurtut oqaatigisariaqarpoq.

Tunumi illoqarfiit marluk - Ittoqqortoormiit Tasiilarlu - eqqarsaatigalugit, tamanna isumaqarpoq illoqarfiit pineqartut ukiup ingerlanerani taamaallaat qaammatini tallimani marlunnilu umiarsuarnit pajuttunit tikinneqartarnerannik. Tamatuma malitsigisaanik qaammatini marlunni tallimanilu nioqqutissanik pilersorneqartarnek ukiumut ilivitsumut illoqarfiit nioqqutissanik pisariaqartitsinerannik matussusiisartussaavoq. Tamatuma ilanngullugu malitsigaa nioqqutissat atoreerneqarsimaffissaat qaangiutereersoq tuniniarneqarsinnaanerannik immikkut akuersissuteqartoqartarmat innuttaasut nalinginnaasumik peqqissuunissaannik suliniuteqarnernut naapertuutinningsumik.

Allatut oqaatigalugu nunap immikkoortuani tamaani naatitanik paarnanillu peqqinnaqisutut oqariartuutigineqartartunik pilersuineq ukiup annersaa timmisartukkut ingerlanneqartarpoq nioqqutissat pineqartut qaffasissorujussuarnik akeqarnerannik kinguneqartumik.

Taamatuttaaq sanaartornermut qaammatini arfineq-marlunniit qulinut atugassat piffissami assartuiviusussatut nalunaarutigineqareersumi pisiarineqartariaqartarput. Tamatuma kingunerisarpaa sanaartornermi atugassat aningaasanik millionilinnik nalillit ukiup annersaa uninngatinneqartariaqartarmata sanaartornermut akit qaffasippallaalernerannik kinguneqartumik.

Islandimi assartuineramik ingerlataqartartut oqaloqatigereerlugit paasinarpoq illoqarfiit pineqartut marluk eqaannerujussuarmik umiarsuarnit pilersuisunit Islandip avannaanut avannaatalu kangianut usinik assartuinermut atatillugu tikinneqartarsinnaagaluartut. Islandimiit illoqarfinnut pineqartunut marlunnit tamanut angalaneq ullunik marlusuinnarnik sivisussuseqartassasoq nalilerneqarpoq.